

#306

**ATAS TAGAPAGPAGANAP BLG. 31
Serye 2020**

PAGTATAKDA NG MGA PANUNTUNANG IPATUTUPAD SA LUNGSOD NG MALOLOS MULA IKA-1 NG HUNYO HANGGANG SA IKA-15 NG HUNYO KAUGNAY SA GENERAL COMMUNITY QUARANTINE.

SAPAGKAT, noong ika-22 ng Mayo, 2020, naglabas ang *Inter-Agency Task Force for the Management of Emerging Infectious Diseases (IATF)* ng mga pamantayang ipatutupad patungkol sa Community Quarantine – ang *Omnibus Guidelines on the Implementation of Community Quarantine in the Philippines*;

SAPAGKAT, noong ika-28 ng Mayo, 2020, opisyal na idineklara ng Pangulo ng Republika ng Pilipinas, Pangulong Rodrigo Roa Duterte, na kasama ang Rehiyon III na kinabibilangan ng Lalawigan ng Bulacan, sa mga lugar na isasailalim sa General Community Quarantine;

SAPAGKAT, alinsunod sa Seksyon 15 Artikulo II ng Konstitusyon ng Republika ng Pilipinas 1987, dapat itaguyod at pangalagaan ng Estado ang karapatan sa kalusugan ng mga mamamayan at ikintal ang kamalayang kalusugan sa kanila;

SAPAGKAT, alinsunod sa Seksyon 16 ng Kodigo ng Pamahalaang Lokal ng Pilipinas 1991, nararapat na siguraduhin at suportahan ng mga pamahalaang lokal ang kalusugan at kaligtasan ng kanilang mamamayan bilang bahagi ng pangkalahatang kapakanan sa kani-kanilang nasasakupan;

SAPAGKAT, alinsunod sa Seksyon 455 (2) (iii) ng Kodigo ng Pamahalaang Lokal ng 1991, ang Punong Lungsod bilang Punong Tagapagpaganap ng pamahalaang lungsod ay may kapangyarihang mag-akda ng mga atas tagapagpaganap para sa taimtim na pagsasagawa ng mga batas at ordinansa;

NGAYON, SAMAKATUWID, ako, si **INH. GILBERT T. GATCHALIAN**, Punong Lungsod ng Lungsod ng Malolos, Lalawigan ng Bulacan, sa bisa ng kapangyarihang kaloob sa akin ng mga umiiral na batas, ay ipinag-uutos ang mga sumusunod:

SEKSYON I. PAGPAPANATILI NG CLUSTERING, WINDOW PERIOD AT HOME QUARANTINE PASS.

Sa kasalukuyan, mayroon ng 16,634 Pilipino ang nagpositibo sa coronavirus at isa sa pinakamabisang paraan upang maiwasan ang patuloy na pagkalat ng coronavirus ay ang pagpapanatili ng sapat ng social distancing.

Itinatakda na mananatili ang pagpapatupad ng *clustering* at *window period* sa mga barangay. Tanging ang mga nabigyan ng *home quarantine pass* ang maaaring lumabas ng bahay na ayon sa window period na itinalaga para sa kanilang barangay

Ang lahat ng establisyimentong pinahihintulatang magbukas ay tinatagubiling tanging ang mga may home quarantine pass lamang ang maaaring papasukin sa kanilang mga establisyimento. Para sa mga bangko, ospital, klinika, at tanggapan ng gobyerno, ang mga ito ay maaaring tumanggap maging ng mga residente mula sa ibang pamahalaang lokal, sa kondisyon na sila ay makapagpakita ng travel pass mula sa Tanggapan ng kanilang Punong Bayan o Punong Lungsod.

SEKSYON I.1 PAGTATANGI. Hindi sakop ng clustering at window period ang mga healthworkers, frontliners, mga manggagawa ng mga establisyimentong pinahintulatang magbukas ngayong panahon ng GCQ, force multipliers na pinahintulatang magboluntir ng Pamahalaang Lungsod, kawani ng Pamahalaang Lungsod sa kanilang pagganap ng opisyal na gawain, at mga halal ng opisyal ng Lungsod ng Malolos.

Ang mga manggagawa sa mga industriya at establisyimentong pinapayagang magbukas ay nangangailangan lamang ng Certificate of Employment at Company ID.

Ang mga *barangay volunteer* ay maaaring magpatuloy na magsagawa ng kanilang gawain sa loob ng kanilang mga barangay araw-araw.

Para sa mga mamamayan ng ibang pamahalaang lokal, makapapasok lamang sila sa Lungsod ng Malolos matapos makapagpakita ng travel pass mula sa kanilang Punong Bayan o Punong Lungsod patungo sa mga pagamutan, bangko kung saan sila ay may mga account, at mga tanggapan ng gobyerno.

SEKSYON II. MAHIGPIT NA PAGRE-REPORT SA MGA BARANGAY OFFICIALS NG LAHAT NG BALIKBAYAN AT MGA MALOLENYONG NAGBALIK MULA SA IBANG BAYAN. Lahat ng Balikbayan, mga Malolenyong nagbalik mula sa ibang bayan, at mga Malolenyong stranded sa ibang bayan na nagbalik sa Lungsod ay inaatasang makipag-ugnayan sa pamahalaang barangay na nakasasakop na kanilang tirahan upang masiguro ang pagtupad sa *14-day quarantine protocol*.

SEKSYON II.1 Ang lahat ng Balikbayan o OFW na magbabalik sa Lungsod ng Malolos ay nararapat na makapagpakita ng quarantine clearance at medical certificate bago makapasok sa Lungsod. Magkagayunman, sila ay isasailalim pa rin sa 14-day home quarantine sa kanilang pagdating sa Lungsod.

SEKSYON II.2 Ang lahat ng Malolenyo na naipit sa ibang lugar ngayong panahon ng community quarantine o mga *locally stranded individuals*, alinsunod sa National Task Force Against COVID-19 Order No. 2020 – 02, ay nararapat na kumuha ng medical certificate sa Municipal Health Officer o City Health Officer ng bayan o lungsod kung saan sila ay stranded; at ng travel authority mula sa Joint Task Force Coronavirus Shield.

SEKSYON III. PAGKAKALOOB NG TRAVEL PASS. Binibigyang karapatan ang mga Punong Barangay na magkaloob ng mga travel pass para sa pagbiyahe sa loob ng Lungsod alinsunod sa mga pinahihintulutang paglabas sa mga lokal na pamahalaan na nasa ilalim ng *General Community Quarantine*.

Para sa mga biyaheng patungo sa ibang bayan o lungsod, mananatiling bukas ang Tanggapan ng Punong Lungsod, sa pamamagitan ng mga *links* na matatagpuan sa facebook page ng Malolos City Information Office, upang masuri at maiproseso ang mga kahilingang magkaroon ng permisong makapagbiyahe alinsunod sa pinahihintulutan ng IATF.

SEKSYON IV. REGULASYON PATUNGKOL SA MGA PAMPUBLIKONG TRANSPORTASYON. Pinahihintulutan ang pampublikong transportasyon sa ilalim ng *General Community Quarantine*.

SEKSYON IV.1 Tanging ang mga drayber na may edad 21-59 ang pinapayagang makapamasada.

SEKSYON IV.2 Susunod ang mga pampublikong transportasyon sa isang iskema na nagtatakda ng pagsasalitang-pasada batay sa huling numero ng plaka ng kanilang sasakyang pangpasada liban sa mga tricycle na ang huling numero ng body number ang magiging basehan ng araw ng pagpasada ayon sa sumusunod:

Araw	Huling numero ng plaka o body number
Lunes, Miyerkules, at Biyernes	1,3,5,7,9 (mga odd numbers)
Martes, Huwebes, at Sabado	0,2,4,6,8 (mga even numbers)

SEKSYON IV.3 PAMANTAYANG PANGKALUSUGAN. Ang mga tsuper ng pampublikong transportasyon ay kinakailangang sundin ang mga sumusunod:

1. Ang pagsusuot ng face mask, goggles o anumang proteksyon sa mata at gloves sa lahat ng oras;
2. No facemask, no ride policy. Tanging mga may face mask lamang ang maaaring pasakayin sa mga pampublikong sasakyan;
3. Para sa mga traysikel, maglagay ng pisikal na harang sa pagitan ng motor at sidecar;
4. Para sa mga jeepney, maglagay ng harang sa pagitan ng hilera ng upuan. Kinakailangan ding maglagay ng marka sa mga bahagi ng upuan kung saan uupo ang mga pasahero upang masiguro na mayroong pagitan para masunod ang protocol ng social distancing;
5. Upang maiwasan ang pag-aabot ng bayad sa jeepney, ang mga drayber ay gagawa ng alternatibong pamamaraan upang hindi mag-pasahan ng bayad ang mga pasahero.

SEKSYON IV.4. Sa lahat ng pagkakataon, isang tao lamang ang maaaring maging pasahero ng tricycle. Para naman sa mga dyip at UV Express, kalahati lamang ng kapasidad ang maaaring isakay.

SEKSYON IV.5 Lahat ng pampublikong sasakyan ay inaatasang magsagawa ng kinakailangang paglilinis o disinfection sa pagitan ng pamamasada o kaya'y habang nasa terminal sa mga parte ng sasakyang laging mahahawakan, gaya ngunit hindi lamang, ng upuan, tagiliran, patungan ng kamay or armrest at salalayan ng gamit.

SEKSYON IV.6. Ang Fare Matrix ay dapat na nakapaskil sa loob ng bawat sasakyan sa lugar na madaling matanaw ng mga pasahero.

SEKSYON V. MGA ESTABLISYIMENTO / INDUSTRIYA NA PINAHIHINTULUTANG BUKAS NGAYONG GCQ. Ayon sa Section 4 Item 6 ng Omnibus Guidelines, ang mga establisyimentong pinahihintulutang magbukas sa panahon ng Enhanced Community Quarantine ay maaari ng magbukas gamit ang 100% ng kanilang manggagawa. Bukod dito, narito ang mga industriya na may karampatang porsyento ng manggagawa lamang ang maaaring magbalik sa trabaho:

- a. **Category I Industries** – Power, energy, water and other utilities, agriculture, fishery, and forestry industries, food manufacturing and food supply chain businesses, including food retail establishments such as supermarkets, grocery stores, and food preparation establishments insofar as take-out and delivery services, food delivery services, health-related establishments, the logistics sector, information technology and telecommunication companies, the media, **at full operational capacity.**
- b. **Category II Industries** – Mining and other manufacturing, and electronic commerce companies, as well as other delivery, repair and maintenance, and housing and office services, **at anywhere between fifty percent (50%) up to full operational capacity,** and without prejudice to work-from-home and other alternative work arrangements; and
- c. **Category III Industries** – Financial services, legal and accounting, and auditing services, professional, scientific, technical, and other non-leisure services, and other non-leisure wholesale and retail establishments, **at fifty percent (50%) operational capacity,** and without prejudice to work-from-home and other alternative arrangements.

SEKSYON VI. REGULASYON PATUNGKOL SA MGA MALLS AT SHOPPING CENTER. Ang mga malls at shopping center ay narapat tumalima sa guidelines ng Department of Trade and Industry – Memorandum Circular No. 20 – 21.

Ang mga may edad 20 pababa at 60 pataas, mga may immunodeficiency, comorbidity, mga nagdadalang-tao, at may mga health risks, ay makapapasok lamang sa mga malls at shopping centers kung sila ay napagkalooban ng quarantine pass- i.e. sila ay walang ibang

kasama sa bahay na mayroong home quarantine pass upang makabili ng mga pangunahing pangangailangan.

SEKSYON VII. OPERASYON SA MGA OPISINA NG GOBYERNO. Ang mga opisina ng gobyerno ay maaari ng magbigay ng serbisyo gamit ang 100% ng kanilang mga manggagawa ngunit maaari pa ring maghatid ng serbisyo sa pamamagitan ng skeleton workforce o iba pang alternatibong paraan ng paggawa alinsunod sa mga alituntunin ng *Civil Service Commission*.

SEKSYON VIII. ARAW NG LINGGO PARA SA MGA FRONTLINERS AT ESSENTIAL WORKERS. Tuwing araw ng Linggo, tanging mga frontliners at healthworkers ang maaaring makapasok sa mga establisyimentong pinahihintulatang bukas ngayong GCQ.

SEKSYON IX. PAMANTAYAN PARA SA MGA MASS GATHERINGS. Tanging mga pagtitipon na patungkol sa pagbibigay ng kritikal na serbisyo ng pamahalaan at mga *humanitarian activities* na may pahintulot ng pamahalaang lokal ang maaaring ganapin ngayong GCQ. Ang mga *religious gatherings* ay pinahihintulutan sa kondisyong hindi lalagpas sa sampung (10) katao lamang ang dadalo.

SEKSYON X. PANANATILI NG MGA CHECKPOINTS. Upang makasiguro ng patuloy na pagpigil sa pagkalat ng coronavirus sa Lungsod ng Malolos, mananatiling maigting ang pagsusuring isasagawa sa mga checkpoints ng mga Kapulisan at ng mga *force multipliers* na binigyan ng pahintulot na gumanap ng mga tungkulin sa checkpoints.

SEKSYON XI. MAHIGPIT NA PAGPAPATUPAD NG ISOLATION NG MGA INDIBIDWAL NA "COVID-19 SUSPECTS". Ang sinumang matukoy ng Contact Tracing Team ng Lungsod na nagkaroon ng close contact sa isang *COVID-19 patient* at nagpakita ng sintomas ng coronavirus na walang sariling bukod na silid sa kanyang tahanan at natukoy ng mga manggagamot na hindi kailangan ng pagpapaospital ay agarang dadalhin ng Contact Tracing Team ng Lungsod sa isa sa mga *isolated facilities* ng Lungsod.

Ang Kapulisan at ang Tanggapang ng Panlungsod na Manananggol ay maaaring magsampa ng kaukulang kaso sa ilalim ng Republic Act 11332 na mas kilala bilang "Mandatory Reporting of Notifiable Diseases and Health Events of Public Health Concern Act" para sa mga hindi tatalima sa alituntuning ito.


SEKSYON XII. Mahigpit na ipinagbabawal ang pag-inom ng mga inuming nakalalasing sa labas ng sariling bahay. Gayundin, ang pagsusugal ay hindi pinahihintulutan habang ang Lungsod ay nasa ilalim ng *General Community Quarantine*.

SEKSYON XIII. KAPARUSAHAN. Ang sinomang lalabag sa Atas na ito ay maaaring sampahan ng kaukulang kaso ng Kapulisan o ng Tanggapan ng Panglungsod na Manananggol.

SEKSYON XIV. SUGNAY NG PAGHIHIWALAY. Kung sakaling ang alinman sa mga sugnay ng Atas na ito ay maipawalang-bisa, mananatiling may bisa ang lahat ng sugnay na maaaring ihiwalay sa sugnay na nawalan ng bisa.

SEKSYON XV. KABISAAN. Ang Atas Tagapagpaganap na ito ay binibigyang kabisaan mula sa unang araw ng Hunyo, taong kasalukuyan.

Nilagdaan ngayong ika-30 ng Mayo, 2020. Lungsod ng Malolos, Lalawigan ng Bulacan.



INH. GILBERT T. GATCHALIAN
Punong Lungsod